

皇宋十朝綱要

皇宋十朝綱要卷第十八

眉山李奎編

徽宗

戊戌重和元年

遼主天祚天慶八年金主阿骨打天輔元年

正月甲申朔御大慶殿受定命寶 己丑大赦 戊

子封皇孫詔為崇國公崇德軍節度使 丙申燕王

淳與女真遇于蔚州東陣未合而潰 是月孫義兒

遣石泉統制神友直討都浪村板舍原兩族平之已

而蕃衆復中攻友直復遣將衛遜擊却之築白沙等

寨一十八處

二月癸丑朔環慶路奏夏賊攻濟義原堡將官張迪
戰死 先是上用方士之說作神霄九鼎皆賜名
御筆差道士三百人赴札制製造所迎導鼎奉安于
上清寶籙宮 庚午遣武義大夫馬政同高樂師等
使女真誼買馬舊好 丁丑御筆戒諸路監司以御
前為名收買上供等物包直饋獻因為已有 是月
孫義叟遣神友直等分兵三路深入討夏賊連破
諸族直抵時州馬蹄漢殺賊甚眾

三月丙戌義吏言石泉軍增建兩會等九堡詔並賜
名 癸巳詔嘉王楷全赴集英殿試 丙申以縣成
州夷平曲赦四川 戊戌詔蔡京子降為朝散郎宣
和殿待制駙馬都尉尚康福帝姪駙馬都尉帶文階
自降始 戊申御集英殿賜進士及第詔嘉王楷考
在第一不欲令魁多士以第二人王昂為榜首
四月癸丑朔涇原寨席蒙平城廂延路寨大降山城
詔賜名情現制成 辛酉用給事中張叔夜言禁門
下省諸房書空頭黃 壬戌改永嘉禁芝峯法國院

為紫芝觀賜林靈素 癸亥手詔定徒刑折杖法

丙寅淮南轉運使張樞坐論東南諸路闕乏之由遂
及修造之侈賜第錫幣之濫又言花石綱大忤權倖
由是落職監信州稅尋責散官安置郴州 己卯手
詔自今每歲季秋親祀明堂如孟月朝獻之禮

五月壬戌朔日食 丁亥林靈素為通真清靈元妙
先主視中奉大夫 張虛白為通元冲妙先生視中
奉大夫 己亥置經制司於尚書省 癸卯御筆太
湖并長塘湖石令朱勔取發 是月淮南處壽州賊

平生擒賊首劉五

六月乙卯御筆應天下神霄宮令逐路提舉官主管

戊午追復朝奉大夫范祖禹為徽猷閣待制 已

巳曲赦淮南西路 癸酉譚稹以平劉五功進一官

同知入內內侍省 甲戌以夏人請命扣關曲赦陝

西河東路 御筆天下神霄宮知州帶主管事誦判

帶同主管事 已卯朝奉大夫前知峽州王采資政

殿學士劉昌坐酬倡詩歌謗仙悖道妖訛不道詔求

伏誅昌長流瓊州

七月壬午御筆以攻破夏人城堡建築城寨宰執並
加恩進官 癸未御筆宰臣兼神霄玉清萬壽宮使
執政官充副使 熙河路寨北魏嶺新寨賜名制卷
壬辰御筆青華帝君生辰以元成節為名依降聖
節例

八月甲寅童貫以築靖夏制戎制義三成功進太保
改封涇國公 御筆天下州府道正令道錄院選差
申尚書省出勅仍增副道正一員 辛酉詔史記老
子傳陞于列傳之首前漢古今人表叙列于上聖具

舊本並改正 乙丑劉安世任伯雨張庭堅馬涑等
各復一官差提舉宮觀 庚午詔天下季校諸生添
治道家大小一經自今季道之士許入州縣季教養
並依見行學法其中選人增置士名自元士至志士
凡十品三歲大比許欄襍就殿試 辛未御筆明堂
廢中声之樂止用正声具已頒中声樂並令納礼制
局改正 是月大遼冊阿骨打為東怀皇帝使至女
真以儀物不純用天子之制起遣還之
九月辛巳大饗明堂此後更不書 丙戌大學辟雍各遣

差通內經莊列二人為博士 劉五伏誅 庚寅頒

御注老子刻石神霄宮

尋以御注道德經等入道藏

庚子太宰

鄭居中罷特餘服

壬寅林靈素張虛白特授本品

真官免視法

丙戌詔截留上供米四十萬石賑濟

江淮荆浙被水民戶

是月掖庭大火凡焚五千餘

間方火作雨如傾時盛傳是夜上微宿于外云

閏九月辛亥御筆以臣寮言省臺寺監官不才無狀

用比附會者禮部員外郎張植等凡十九人並差提

點宮觀及監當有差

壬子御筆勾收白地禁樵鹽

貨方田增稅權醕增價量收醋息河北加折稅米東
南弦雅斛斛等皆極提剗可即日罷 丙寅復行
東北未鹽法罷解煎舊法 甲子薛昂上神霄帝居
降臨記傳視兩學 戊辰開封府學增置道學博士
一員 乙亥詔諸州亦如之 丙子尚書省言道徒
升貢乞依文士給號紙候唱名初入仕並補志士道
職已上取旨並賜福服高者依文士從之

十月己卯御筆以紹述熙豐政事書布告天下 壬
辰詔自後知州任滿者課以增誘道學與陰教法整

葺道宮為崇奉之最

十二月應奉事官亦依此為課最

癸卯上御

寶籙宮傳度玉清神霄秘籙會者八百人

戊申歲

猷閣侍制提舉萬壽觀蔡絳勒停

十一月己酉朔旦冬至大赦是歲改元

立道階二

十六等自太虛大夫至金壇郎同文臣大中大夫至建

功郎立道職十一等自冲和殿侍晨至凝神殿授經

同時制修撰至直閣丙辰以林靈素為冲和殿侍

晨庚申詔復江南諸路提舉坑冶官先是廣安

軍布衣安堯臣上書指斥童貫深結蔡京同鄉燕人

李良嗣為謀主建平燕之議必啟邊釁言甚切直上
以其書送尚書省議大臣乞加竄殛上曰言路蔽塞
久矣可重罪哉即命以官 丁丑詔礼制局討論社
服其見服辨改為履

十二月戊寅朔復京西路錢監 馬政与高樂師等
至阿骨打所居阿芝川來流河阿骨打之姪粘罕兀
室等詰問遣使之由政以寔對逆質登州小校王美
等六人發渤海人李善慶生熟女真二人散都勃達
齊因書并北珠生金貂子等來已卯至登州州遣赴

闕、已丑從延康殿學士侍讀徐處仁言置裕民局
於校正所 癸巳手詔蔡隆尚茂德帝姬其父京子
孫十一人內六人白身各補官仍賜紫章服

已亥宣和元年

遼主天祚天慶九年金
主阿骨打天輔二年

正月辛亥上既用處仁議置裕民局蔡京怒處仁不
附已欲罷之侍御史張樸因劾處仁罪出知揚州而
局亦尋罷 乙卯手詔改天下僧寺為觀改佛號為
大覺金仙餘為仙人大士之号僧號德士 丁巳詔
女真使人李善慶散都勃達各補官復遣馬政副朝

議大夫趙有開齋詔書禮物與善慶等渡海往聘之
至登州而有聞死會河北奏契丹已封女真為東懷
帝乃詔馬政勿行止遣平海軍校呼延慶持登州牒送
善慶等歸 戊午余深進大宰兼門下侍郎 王黼
為少宰兼 書侍郎 己未改女冠為女道士為女
德 庚申詔禁銅鏡鈸師像等悉令納官仍存師像
漆用冠服 辛酉御筆改菩薩羅漢泗州大聖達摩
等稱號 真定府路安撫使趙通奏北賊董才入中
山府界藏泊已下都巡檢將官等逼逐出境 乙亥

躬耕籍田

二月庚辰以籍田礼成改元 改宣和殿为保和殿

丁酉御筆去年十月二十五日傳受秘籙以其日
為天符節

三月庚戌安州孝感縣獲古宝六 童貫逼熙河路
經畧使劉法使北取朔方法不得已引兵出塞至統
安城為賊伏兵所擊法死之士卒陷沒者十萬賊勢
益張乙丑遂進圍震武軍 己巳壬子詔日食定赦之
常令太史奏正陽之月日當蝕宜令有司檢其故寔

以聞 是月阿骨打發契丹使蕭習烈楊立建回要
其稱大金皇帝兄不然則提兵取上京天祚惡聞女
真事蕭奉先揣其意不以聞明年上京破和議遂格
四月丙子朔日食 夏人久圍震武童貫至熙州相
涇原秦鳳西路兵往援久撥隴右同節度辛叔詹熙
河統制何灌選精銳直趨震武又命蘭州兵深入取
水波蓋朱朴蘭三城賊聞救兵大集丁巳解圍去
戊子詔資善堂舊衙宅各置朔書贊讀直講一員
己亥曲赦陝西河東西路

五月丁巳御筆應德士並許入道季 是月大水犯
京城有龍出於開封縣前茶肆酒器作坊兵士共殲
食之後十餘日水復大至 西北有赤氣數十道亘
天

六月戊寅呼慶等始至阿骨打軍前阿骨打及粘罕
等責以中輟且言登州不當行牒留之半年至十二
月方遣呼慶等歸明年乃至京師 己卯夏人赴闕
納款謝罪詔荅之止六路進兵 甲申封莊周為徽
妙元通真君列禦寇為致虛觀妙真君 己丑祀居

卽李綱上疏論水災非常乞上畏天戒招來訖言又
乞直前奏事庶盡說直詔都城水災緣有司失職隄
防不脩卽非災異綱所論不當送吏部尋又降一官
与謫小處監當差遣

七月甲寅童貫進太傅山南東道節度使 乙卯賜
大少樂 己未詔童貫領樞密院治事私第白晝內
殿起居 辛酉詔直宣和殿何訢提舉明道宮延康
殿學士河南戶部尚書落職提舉鴻慶宮 癸亥詔所
章並責散官安置訢鼎州章筠州 戊辰徙淮西提

黜刑獄俞向於福建路轉督捕群盜劉花三等

八月丁酉以神霄王清萬壽宮成降德音於諸路初
高麗求醫士遣二醫往至是始還諸丙東門以及其
事及語錄奏聞然後知實非求醫乃彼知中國將與
女真圖契丹因是勸止中國謂苟存契丹犹足為中
國捍邊女真虎狼不可交也亘蚤為之備上聞之不
樂後三年遣使往聘欲促其共奔高麗雖恭順終不
得其要領而归

九月丁未移何詎盛章安置新州永州 乙卯西夏

保和殿遇玉真軒蔡京等請見安妃許之京作記以
進 癸亥幸道徳院觀金芝由景龍江至蔡京第鳴
鑾宴賜京酒京訴開封尹聶山雖開尋生紂京作鳴
鑾記以進

十月詔河東提點刑獄張宗武等十二人坐爲盜司
不按吏爲臣僚所彈各降兩官 是月開修忠原河
直河

十一月辛亥蔡京乞以神霄玉真王所託玉嬰神變
狀經頒行徒之 乙卯祀昊天上帝于圜邱大赦

遣監察御史周武仲察訪淮南 太孺生鄧肅坐進

詩佩取東南花石屏出李押归本貫

十二月己丑罷提舉人加所 丙申罷蘇杭溫湖等

州造化局 詔招撫山東盜宋江 是月開修光源

河直河成 是月正字曾輔上書陳激行編管柳州

庚子宣和二年

遼主天祚天慶十年
金主河骨打天輔三年

正月癸卯內侍馮浩除名勒停給管永州 中道 詔

蔡確輔立哲宗功在社稷可封群王賜第一區子懋

除延康殿李士莊除侍郎女及婚皆遷官有差第碩

落罪籍贈獻猷閣待制 甲子御笔罷道學 丙寅
詔宰執自今依旧法常聚議都堂 是月呼慶等至
京師具道阿骨打言所并至國書達于朝廷時童貫
方受密告圖契丹

二月乙亥遣右文殿修撰趙良嗣忠訓郎王珪使金
國仍以買馬為名其實約夾攻契丹取燕雲四地第
面約不齎國書夾之攻約蓋始於此 甲午手詔別
修好宗正史 乙未詔道漢士並不得陳乞作官戶
三月壬寅御笔搜訪王安石遺文 乙未改熙河蘭

築路為熙河蘭廓路

四月辛未詔寺監官不得缺對 癸酉女真分三路

出師上京 丙子詔江西廣東路權置武臣提點刑

獄路分都監各一員候劉花三賊完淨盡日罷 己

丑詔以正月四日為基節 癸巳車駕幸蔡京第詔

京八子十三孫四曾孫可並於寄祿官上轉行一官

三月己酉日子有黑子 庚戌御筆王黼遷入賜第

遣內侍主其事務賜錢絲陳設什物酒果等 壬子

就賜家屬御筵 是月阿骨打攻上京不旋踵而破

赴良嗣奉使至軍前阿骨打令從軍觀攻城 乙卯

詔宗學宗子賜及第出身授官有差 丁巳祀地于

方澤 戊辰陝西復置平貨務令童貫兼領 朱夢

旣坐書論宦寺之權太重編管池州

六月戊寅蔡京守本官致仕依前神霄玉清萬壽宮

使仍朝朔望 癸未御筆諸路保甲並依元豐旧制

京東西路並罷 乙酉罷諸路方田 丁亥詔天下

寺院昨以奸人妄有申請改革作德士宮觀可除大

相國宮外仍舊為寺院 戊子詔安濟居養漏澤之

法有司奉行失當資給過厚可參元豐旧法立為中

制 已丑詔内外官司行遣文字在京字作都下可

令止絕初蓋避蔡京名 甲午御笔督福建廣南江東路

捕賊劉花三 御笔併罷修書諸局五十八所官吏

詔礼制局製造所併归書畫局 乙未詔太孺辟

雍及諸路州季給食並依元豐法 丁酉止絕監司

守臣進貢物 蘇軾復承議郎龍圖閣待制

七月已亥朔詔武季及小季給食依元豐法醫學依

政和法類試 已酉詔罷宗室不釐務差遣 庚戌

詔道史令道錄院官兼領卷館職道官六員脩纂史
不置局 罷杭州平江府置造所 辛亥江淮湖廣
福建路收抄旁定帖錢令曾司專椿死逆歲確本
壬子詔自今天臣丁憂非因边防毋得起復 甲寅
罷大晟府增置按協声律官 丁巳詔在京小學近
增立三舍法有善鄉卒里選本旨可並依元豐法
己未詔罷在京醫學并算學 辛酉尚書省言近降
旨併罷書局內有未盡者又詔併罷札房修耕籍條
官吏一十處 詔改明堂頒事為司常頒朔為司令

其頒政不置

八月己巳朔罷神霄玉清使司酒庫銀庫 庚辰詔
聚官郎以三十員大夫以二十員醫放至伺候以三
百人為額 癸未京東南路提點刑獄武臣罷提舉
保甲 逐林靈素歸温州 丁亥罷六曹主官祭閣
文學官并打套香藥局歸確貨務 癸巳令劉棟歸
隸州 乙未御筆復德士女德為僧尼
九月金國遣錫刺魯大廸烏高隨來詔作新羅人
使司見國書申夾攻之議許以燕京地予我却欲得

中國曰來契丹銀絹五十萬之數且言舉兵之後我
不如約則不以已許為還 歲給地牧馬法以民戶
所養官馬給填闕馬禁軍 丙午錫宴于太傅堂貫
府第 戊申諸路州縣召募役人並依元豐法
詔吏職出身人磨勘功資轉至武功大夫止 庚戌
河北上書人故契丹鹽鐵使蘇言壽特除朝議大夫
直秘閣 詔併東南北路坑冶司官吏入江淮等路
坑冶鑄錢司 丙辰詔遣登州鈐轄馬政聘金國持
國書或事目隨易魯等行國書云已遣知樞密院事

董贇勒兵相應請示奉軍約日以憑夾攻所有五代
以後陷沒幽薊等州已議收復銀絹依與契丹數目
歲交別降樞密院事目付馬政差政之于廣從行
丙辰併編佑局入樞貨務 已未詔河北軍馬與陝
西河東軍馬更戍

十月戊辰朔日食 罷諸路即臣監司增置屬官員
缺 閣門祗候劉察坐前與廣西路黃隣招徠大理
國詐以宜香郡賣馬人李紫琮等為大理國人使入
貢除名勒停編管濠州 丙子睦州青溪妖賊方獐

反據幫源洞四出焚掠聚衆幾萬人 癸未罷諸路
武士教諭 巳丑夏國遣使入貢 丙子方臘起幫
源洞殺里正縱兵侵掠 是月馬政等主來流河阿
骨打帳前金人以朝廷欲全後山前後故地及故民
意皆疑各留月餘意不決巳而復差冒魯及大廸烏
持國書來書約云若更欲西京請就便討度收取
十一月戊戌方臘偕改元號永樂以其月為正月
巳亥余深懼為少傅鎮西節度知福州 丙午改尚
書省公相所作都所 庚戌王黼進太宰 立秘書

省官負額

己未西浙路都監蔡邁顏垣以兵五千

擊方臘不勝死之賊日益衆

己丑改知青州魯孝

蘇知睦用專一措置捕賊

丙寅方臘陷青溪縣

十二月戊辰方臘陷昧州賊衆二萬殺官兵千人於

是壽昌分水桐廬遂安壽縣皆為賊據

己巳罷置

輔郡潁昌開德府鄭州归元潁路分拱州仍為州

甲申方臘陷林寧縣知縣趙嗣為賊所執脅之使降

嗣罵之賊以嗣宰邑有善政不敢害委之而去 丙

戌陷歙州東南將郭師中戰死士曹祿栗先守獄罵

賊遇害於是婺源績溪祁門黟縣等官吏皆逃去後
四日陷富陽 丁亥詔保寧軍承宣使同知入內內
侍省事譚稹提舉措置捕捉睦州青溪賊步軍都虞
候王稟性統制之 戊子方臘陷寧國縣進逼宣州
己丑佑神觀使鄭居中領樞密院事 庚寅予詔
談稹因出使制置捕捉群賊所至察訪事有害民者
悉條畫以聞 庚寅詔自今諸司不得起請方田見
方未方已方而未起稅者並罷 丁卯御筆又罷諸
路拋買料配等 乙未方臘陷杭州知州趙震遁去

燕訪使者趙約罵賊死 是歲南康軍居住陳璿移
楚州始王采得罪璿自江州移南康及方寇作或為
飛語云璿女婿已為寇所劫欲加中傷上詔保全之
故卞京亮人皆莫能害

辛丑宣和三年

遼主天祚保大元年
金主阿骨打天輔四年

正月丁酉朔改譚鎮為兩浙制置使 癸卯以童貫
為江浙淮南等路宣撫使初方臘起王黼時專政惡
聞有賊且跋督浙西提點則獄張死勿張皇生事因
不敢寔奏至冬乃不可制遂連陷三州上大恐中都

為震始遣諱楨之逗遛不時進及賊入杭乃使童行
時北征事起陝西勁兵多聚犖下因得盡出師上微
行送之殿前副都指揮起劉延慶充宣撫使統制
諸路兵馬乙卯方臘陷崇德縣進圍秀州辛酉
御宅罷收買花石造作供奉之物凡置局去處罷
蘇杭造作局甲子王可宗等破賊於秀州城下斬首
數千級秀州平乙丑罷在京營繕局採所木植收
買物料御筆脩煉鎮鼎升及鑄劍鑑並奉安畢通
效處士沈日休可增兩字供水火守爐二人各米米

鑑王輝與迪功郎 是月方臘陷婺州又陷衢州
臣彭汝方死之

二月丁卯禁臣庶於淮南兩浙路般致花石入京

庚午蠲兩浙路被賊民戶公私通及三年田賦責贖
罷散官安買言陽軍 癸酉罷陝西河東、南木柅

司荆湖南北路採買水植司 戊寅放江浙淮南路

編管及安買人自便命官即与叙復 庚辰宗江犯

淮陽軍又犯京東河北路入楚州界知州張叔夜招

撫之江出降 壬午方臘陷旌德縣 是日金國使

錫刺曷魯大迦烏高隨至登州守臣以重賞討方臘
未還留曷魯等不遣曷魯猶欲徒步入京師尋詔
馬政王瓌引詣闕 癸未王橐復杭州 乙酉詔罷
天下三舍太學以三舍考選開封府及諸路以科舉
取士罷宗子辟雍官屬并諸路提舉寺事官 丙戌
罷淮南兩浙等路增收一分稅錢及出賣定帖錢
庚寅賊帥仇道人陷剡及新昌縣知縣縣民戰死
壬辰復旌德縣 癸巳以復熙豐舊制大赦 甲
午御筆河北京東路並行鈔監許客人任便通販

劉鎮破賊於烏村灣斬首六百級復寧國縣 乙未
方臘陷處州餘黨陷信州

三月丙戌朔賊犯杭州王稟戰於城外斬五百級又
敗之於桐庐 庚子賊攻越州知州劉鞬擊走之

壬寅賊將呂師囊屠仙居縣 己酉官軍復歙州賊
攻台州不克解圍去 庚戌官軍復睦州 辛亥賊

再圍台州不克 統領劉鎮楊可世破賊於潘村

癸丑譚稹奏復轉般倉自泗州始 甲寅復婺州

丙辰復富陽縣 丁巳復新城縣 戊午復桐廬縣

辛酉劉光世破賊於大塘

壬戌王堅復睦州

是春日有變忽青黯無光其中洶洶而動若鉦金而湧沸狀日旁有青黑正如水波周回旋轉將暮而稍正 丁卯劉光世破賊復衢州

四月戊辰呂師震破台州通判李景淵擊走之 前知睦州張徽言長流萬安軍 甲戌詔罷增路見任

官帶管勾學事

詔前青溪知縣陳光以盜發所臨

棄城先走扶死

丙子劉光世復龍游縣 丁丑賊

陷天台黃巖兩縣

己卯劉光世復蘭溪縣

郭仲

荀復上虞縣 辛巳劉光世復婺州 壬午招廣西
成都潼川夔州路帥臣監司相度併省新建築州縣
棄賀以中軍駐杭州 癸未王稟復青溪縣 丁
亥姚平仲復浦江縣 甲申罷荆南禹豐兩路復為
荆湖北路 戊子劉鎮楊可世王稟諸將合兵四道
並進至幫源洞夾擊之賊二十餘萬眾腹背叛轉
戰至晚克徙靡爛流血丹地斬獲逾萬人 方臘
去 庚寅生擒臘於幫源上東北隅石澗中并其妻
孥兄弟偽相侯王二十九人振旅赴杭州 詔梁師

成下使臣鄧宏曾組特令就殿試賜同進士出身
五月甲午朔排平仲復義烏縣破偽天仙洞斬首甚
衆獲僭偽等物 戊戌劉光世復壽昌縣破月溪洞
己亥詔杭越江寧府守臣並帶安撫使 庚卯進
冊明節和文貴妃劉氏為明節皇后 睦州為嚴州
歙州為嚴州 乙巳郭仲荀復峽縣新昌縣 丙
午金國使冒魯大迎烏入國門詔國子司業權邦彥
內侍童師禮館之未發師禮傳言邦彥曰大遼已知
金人海上往還難以復如前議諭冒魯大迎烏令歸

邦彥驚曰如此則失其權也曲在朝廷矣師礼復奏
復傳旨候重賞回議之二使留關下凡三月餘丁
未劉光世至靈山洞破賊於凤池谷斬一千六百餘
級斬賊首胡將祝將招安偽繆二大王等四萬五千
八百餘人來降庚戌姚平仲破求日新洞殺日新
焚其巢穴王黼言新知鄆州陳遘庭為御史中丞
日輒上言乞應係御前奏使之人一切盡行廢黜朝
散大夫張汝霖為京西漕日公違格令更不獻進花
果無奉上之心甲寅詔過庭汝霖並散官安置過

庭黃州汝霖歸州 乙卯楊惟忠復東陽縣

閏五月丙寅裁定諸州所增置曾掾官 壬申改譚

鎮制置捕捉賊所為淮南江浙路制置使 甲戌

王黼奏特置應奉一司詔從之仍令黼總領於外梁

師成提領於內 丁丑詔江浙殘寇留譚鎮置措俟

庶事按堵乃可赴闕 壬午詔依條合應奉及被旨

專奏或御前差官幹當者即不廢深詔申明行下

癸未御筆客入監鈇每貫量收工墨錢充應奉司御

前支用 丙寅姚平仲等提兵五千破仙居縣界招

賢四十餘洞於是楊惟忠王渙梁安平劉光世等兵
破洞斬獲皆有功而偽方互相公偽七佛等衆屢敗
賊餘党氣益衰

六月己亥姚平仲破賊金像等三十餘洞 辛丑辛
興宗與宋江破賊上苑洞姚平仲破賊石峽口賊將
呂師囊棄石城遁去擒其偽太宰呂助等 癸卯命
江淮轉運司陳弼經制兩浙江東路江淮荆浙福建
諸司財計聽選取用監司州縣官聽選按察 是月
河決恩州 契丹副都統耶律余覲擁千餘騎并骨

肉車帳叛归女真 是夏洛陽京畿忽有物如人或
如犬其色黑不能辨眉目夜出掠小兒傷食之蓋黑
皆云如是二歲乃息

七月庚午御筆三京置女道錄副道錄各一員 戊
子江浙淮南等路宣撫使童貫等修方輿以獻服之
起破六州五十二縣戕平民二百餘萬王師自出至
凱旋凡四百五十日

八月中辰御紫宸殿受百官賀降德音於江浙福建
淮南等路 童貫加太師進封楚國公譚旗常德軍

郎慶使 壬子金國使呂魯大也烏辭遣呼慶還歸
國書北付呂魯等不復遣使 丙辰方臘伏誅
九月壬午御筆鎮江平江府守臣並帶衣路兵馬鈐
轄 乙酉予詔童貫開疆辟國外滅姦寇殊與昭著
二子師錫師禮可特除送郡觀察使

十月丙辰上御玉鍊宮神霄殿親授王黼等元一六
陽神仙秘籙

十一月戊寅詔禁師事胡法造墓捨身合道錄院頒
行 壬午罷太府寺增置丞一員 乙酉詔脩汴都

志 是月金攻遼中京曷魯等自海上歸至其國阿
骨打得書意朝廷絕之令其弟國相勃及烈并粘罕
兀室等悉師渡遼而西用降將余覲為前鋒進中京
十二月庚戌御筆道官左華郎以下並視之階選人
今有見帶職者可依文臣選人除職改京官例並與
改升臺郎 是歲惜路蝗

壬寅宣和四年

遼主天錫建福元年
金主阿骨打天輔五年

五月壬戌賜王黼御盛雪令於得賢治宮閣室成
癸酉金人破遼中京

二月庚子承事郎勾管太平觀陳璿卒

三月辛酉幸秘書省次幸太宰省官孝官加恩有差
是日上御右文殿既罷復賜輔臣以下凡五十二
人御書始天祚在燕間女真引兵駐松亭古北口
即出居庸關聞余親將至即奔雲中又自雲中奔來
山女中開封尹正草奏甘露降王黼第乞拜表稱
賀從之丙子詔堵路提卒神霄宮監司發遣有道
行天心正法及拜章有應驗道士逐路三兩人赴道
錄院遼人立耶律淳為天錫皇帝改元建福廢天

祚為湘陰王以燕雲平中上京遼西為六路燕王主
之沙漢以北西南西北而西路都招討府諸蕃郡族
天祚主之犹稱保大二年自此國遂分矣金人引
兵至雲中留守蕭查剌与都轉運使劉金常開門出
降戊子天錫遣使持礼物来告谢上以天祚尚在
夾山燕王安得擅立令雄州却回之代州奏准大金
朝国軍牒本國軍馬已到山後平定州縣于是命童
貫為河北河東路宣撫使勒兵十五萬起边降詔喻
蔡京管内軍民是月戊戌童貫啟行上微出北郊

齋宮餞之 已亥賜遼國歸明人董才姓名曰趙州
族部十餘人賜將有差 丙午手詔求遺書於天下

辛亥童貫駐軍高陽關 是月高麗國主洪範在
位三十八年世子楷嗣

五月丙寅命少保開府儀同三司蔡攸為河東河北
路宣撫副使以河陽節度使劉延慶為河北東西兩
路都統制 乙亥蔡攸發京師童貫駐軍于雄州陝
西兵稍集以統制种師道總東路之眾屯白溝統制
辛吳宗統西路之眾屯范村並聽劉延慶節制 遼

主天錫遣耶律大石林牙并蕭曷魯領奚契丹軍一
千五百餘騎屯涿州入遼蕭幹統常勝軍二萬餘人
抗我師 戊寅大軍陳於白溝 癸未我師敗于蒲
溝甸 丙戌又敗于白溝

六月庚戌我師退保雄州於是童貫以為契丹尚盛
未可圖初和說候燕探報不實矣請興師乞行軍法
上聞師敗甚惧遂詔班師遣諸將分屯 辛亥遼主
天錫耶律淳病卒遼人立國妃蕭氏為皇太后權主
軍國事改建福元年為德興元年

七月壬戌遣給事中路允迪中書舍人傅墨卿使高麗
戊辰御筆禁進納為道士者 辛巳童貫蔡攸
回軍駐河間貫攸既敗事相持而哭但招集亡潰與
保雄州而已忽知中山府詹度奏耶律淳死燕人皆
以契丹無主願歸土朝廷王黼立主再興師之議於
是老嫗道兵二十萬以劉延慶為都統期九月會三
關詔貫攸無歸異議者斬于是伐燕之議成矣 詔
种師道責授右衛將軍致仕和訛散官安置筠州
八月阿骨打追襲天祚于國崖戊戌大戰生擒契丹

都統蕭規天祚脫身立及夏國引兵數萬襲天德軍
阿骨打遣偏將帥師七十驛之直秋霖水恭桑夏人
溺死不可勝計阿骨打既勝兵驍氣銳遂因秋成並
邊牧馬休兵北奉聖州之東

九月詔熙豐政事悉自王安石建明其家論皆可賜
第一區孫棣除顯謨閣待制曾孫孫女居官加封號
有差 詔朝散郎宋昭上書狂妄除名勒停編管海
南初即行即詔安議北事者必罰無赦執政廷臣皆
無一語独昭上書言其不可遂坐之 乙丑金國通

議使李璽烏散高慶裔等入見初金國緣朝廷遣曷
魯大迪烏等歸不遣使疑吾有謀無又未嘗先報即
期轍進兵取中京移軍白水泊襲破天祚行帳既占
雲中府山後州縣忽聞重賞募兵阿骨打与群酋議
恐爽約自我或南朝徑取燕則歲賂不可得遂專遣
使來上待烏散等甚厚賜予不貲至獻御茗調膏賜
之引登明堂入龍德宮落行宅別築離宮無所不至
礼遇契丹數倍而慶裔渤海人桀黠知書雖外為恭
順柝恩頌德而屑求故例不已 甲戌命嚴猷閣

待制趙良嗣充大金國信使開門宣贊舍人馬廣副
之 戊寅契丹易州守將高鳳等以易州降遣統制
何灌將兵援之 己卯契丹都管押常勝軍涿州留
守郭藥師以涿州降 甲申契丹太后蕭氏遣使上
表稱臣 乙酉克易州

十月庚寅改燕京為燕山府 癸巳制延慶統大軍
與郭藥師等出雄州入新城趨涿州 甲午御筆改
山前九州軍名 是日契丹使蕭容韓昉持太后表
至宣撫司即日飛奏童貫蔡攸視副本止云納款稱

臣麾而去之須納土乃受昉等笑曰納款即納土也
虜種類禰未諳國朝禮當思兩全毋貽後日之悔
丙申詔知中山府唐度知燕山府知襲慶府錢伯言
知涿州左司員外郎知易州權邦彥 辛丑詔山前
收復州縣以燕山府路為名 壬寅以陳過為燕山
府路都轉運使 甲辰劉延慶次涿州 丁未以收
復涿易二州 癸丑以復燕山府御紫宸殿受百官
賀 詔河東河北宣撫副使蔡攸判燕山府 初劉
延慶自涿州次良鄉行兩日至清盧河駐軍用郭藥

師計命藥師及諸將趙鰲壽高世宣楊可世可弼將
兵五千襲燕城至三家店藥師遣將甄五臣率常
勝軍五十騎奪迎春門以入大軍繼至時城中契丹
及奚兵尚衆我師已駭所至紛然肆行剽掠契虜倉
戰屢敗藥師失馬幾為虜所獲後走至迎春門總城
而下可世等從之夜奔安次縣收潰兵入涿州高世
宣戰殲翌日肅幹渡河挑戰延慶軍中洶懼甲寅
遂焚營而遁衆軍大潰軍中輜重金帛凡朝臣賜國
力經營北事者所備悉為虜得上始知藥師但跳

城入燕尋已退遁而延慶師潰 子詒責賈攸等曰
吾今不復信汝矣

十一月丙辰朔頒行新璽 庚午祀昊天上帝於圜
立大赦 趙良嗣馬廣等至奉聖州金人以議燕京
事未決留馬廣從軍遂以國書授良嗣遣李業李靖
復來王度刺副之撤盧柵充計議使 丙子到闕
許我以燕京及六州二十四縣之地

十二月自劉延慶退師之後蕭幹累陷諸縣是日復
圍永清縣樂師領常勝軍擊之幹大敗退保燕京

戊子李靖王度刺等辭詔龍岡閣李士趙良嗣顯謨
閣待制周仲武為國信使副燕送作 童貫蔡攸再
舉取燕不能下惧無功獲罪各遣王环由飛狐路禱
國金主令國之且言兵已廢燕境不敢擅入乞如約
夾破 辛卯金人入燕太后蕭氏出奔宰相左企弓
虞仲之等皆迎降翌日金國主遣馬廣歸朝廷提
丁酉蕭后至松亭關於是契丹從太后与入石林牙
埽天祚天祚殺蕭后赦林牙奚人与渤海軍從蕭幹
入奚後偕号稱神聖皇帝改元天嗣蕭幹即莫
離也丙

申劉延慶貢授率府致仕安置筠州 庚子詔道官
立法已同文階可編入襍境歷仍遇郊封贈父母
甲辰女真復遣李靖王度刺持國書與趙良嗣周武
仲同來國書云燕京用本朝兵力攻下其州縣租稅
並當本朝受納又不許平營漢三州以副本示良嗣
良嗣以為不可乞削去租稅事粘罕曰燕京自我得
之賦稅自當歸我若不見與請速追涿易之師無留
吾疆

癸卯宣和五年 金主吳乞買天會元年

正月戊午李靖王夔刺等入見 己未詔趙良嗣周
武仲復使金國馬度為計議官許以每歲別交銀絹
以代燕京監六州租賦 辛酉詔尚書左丞王安中
為廣遠軍節度使知燕山府武寧軍節度使郭藥師
加檢校少保同知燕山府 癸未金人遣趙良嗣等
歸不復遣使止以國書進良嗣來於歲幣外邀代稅
一百萬緡且許以古北口歸我惟平營漢三州不許
二月丙戌趙良嗣周武仲馬度自燕山回至雄州以
金國書自述馳奏金人以議未合自南使過虜溝後

悉斷橋梁焚次舍 庚寅復遣良嗣等自雄州并至
大金軍前悉如其情 乙卯金國遣寧水割王度刺
撤毋店來入見以誓書草來請依草立誓 己未詔
遣吏部侍郎盧益及趙良嗣充國信使副持國書及
誓書往金國軍前議交燕京日月 良嗣與寧水割
皆言虜許還西京且求犒軍物二十萬而國書并誓
書乃一無措及西京者蓋良嗣與寧水割共為欺罔
卒啟兵端

四月初益良嗣等奉誓書往使至涿州兀室等先索

誓書觀之斥字畫不謹屢却回令至京師易之蓋寺
諭以主上親御翰墨示尊崇大國之意猶不聽凡改
更三四朝正皆曲從之又索歸明職官趙溫許等良
嗣赴宣撫使司取溫許等執送之粘罕釋其縛而用
之甲午始遣楊璞與盧益趙良嗣以誓書來且索米
二十萬碩 戊申入見 丁酉以撫定燕山府等路
合用物貨諸路漕臣急切計置 庚子童貫蔡攸入
燕山府燕之金帛子女職官民戶悉為金人席卷而
東朝廷捐歲幣數百萬所得者空城已 庚戌四款河

北河東燕山府西路辛亥童貫蔡攸自燕山府班師
五月己未以收復燕雲西路御文德殿受群臣賀

庚申王黼進太傅鄭居中太保執政官各進一官

辛酉王黼總治三省事

丁卯汴南安撫使奏溪州

田才順等納土

癸酉祭皇地祇于方澤

是月金

國主阿骨打卒弟吳乞買立改元天會

六月丙戌知平州張欽遣人

請安撫司納土啓度

密以聞

金人聞鼓叛遣閼毋國王將二千騎來討

鼓迎拒于營州金人以兵少不交鋒而归大書州門

有今冬復來之語哉安以夫提聞 甲午朱勛以燕
山之役馳傳有勞為寧遠軍節度使醴泉硯使 乙
巳蔡攸領樞密院事

七月戊午加起復太尉河東燕山府路燕河北路宣
撫使譚稹為檢校少保始童貫蔡攸自燕山頗失
上意王黼梁師成共荐稹為宣撫使令駐河東專究
割金人所許山後雲中府朔武蔚應等州然金人未
未嘗以其地與我也稹既至太原會金國主祖末暇
治山後故朔武蔚應等州守將韓正等皆通款于我

云 已未太師兼領樞密院事童貫致仕 甲子中
書省言福建路印造蘇軾司馬光文集詔令毀板今
後奉人傳習元祐學術者以違制論 庚午王黼表
上皇帝尊號曰繼天興道敷文威武睿明皇帝詔不
允凡三上表并内外群臣皇子卿王以下太李諸生
耆老等上書以請者其中皆不從

八月辛巳朔翰林天文局言日當食不食乞副史領
詔北界歸朝官願就鎖廳試者令轉運司收試
乙未王師大敗故遷將薨屍不于峰山斬獲三萬級

生擒阿魯太師獲耶律德光尊號室檢契丹塗金印
尋葛蟲不遁去尋為其部下所殺傳首河間府葛蟲即
蕭幹也 辛丑命王安中以平燕之功封上刊石是月
燕山府路轉運使呂頤浩坐嘗奏燕山急危五事詔
頤浩所奏意有包藏落職降官

九月癸丑詔知河間府蔡靖与同知燕山府唐庚西
易其使始任朝正命王安中知燕山府藥師同知繼
又命唐庚同知然藥師恃常勝軍之強日益橫甚安
中不能制唯誚事之唐庚奏藥師難保朝廷以其灾

惡茲深故兩易之初常勝軍止二十人後增至五
萬
良械精使莫不以給配之其後兵數愈增

中國雖有成兵唯九千人無能為也又
藥師及燕人終不改其左衽亦無如之何時人竊比
之安祿山云 癸亥蔡絛坐撰西清詩話專以蘇軾
黃庭堅為宗時落職勒停

十月壬寅詔諸路奉行常平法令廢弛令中書省具
諸路提舉常平官進呈汰其不職者自周審言以下
凡一十五人

十一月癸卯詔國子監刊御德冲虛至德真經南華
真經頌之學者 丙寅辛丑黼第觀芝草又由便門
遇梁師成家復來黼第駐驛因大醉黼自出傳旨支
賜放散侍從百官於是禁衛爭願見上始謝恩不肯
散因大诹：師成与譚稹扶上出撫諭之復入夜漏
上五刻乃蠶龍德宮視道小騶以遇內侍十數人執
兵接擁而還是夜發生變翌日上深悔之 丁卯詔
同知燕山府郭鈞師遷太尉藥師日並驕恣上疑焉
因別築第都城賜美女諭令來朝藥師辭以故不

至初張欽遣其弟來通款朝廷遂授欽泰寧軍節度使世襲平州仍以金花腰御笔付其弟令面授欽金人謀知之以千騎襲破平州欽挺身走遁燕山郭藥師留之匿姓名寧常勝軍中金人盡得朝廷所賜詔并御筆自是归曲朝廷累檄朝廷司取欽朝廷初不欲發遣知燕山府王安中言必不發遣悞啟兵端不得已令安中繼殺之函首送金人

十二月甲寅張欽不得首京師乙巳金人始遣使來賀正旦是月譚稹奏常勝軍法橫乞于河東

別招一軍分其權勢優其廉餼號義勝軍所招凡五萬人

甲辰宣和六年

金主吳玠買天會二年

正月乙卯子詔為金國主計至假視朝五日遣使慰問
乙未詔置提舉措置書契所止位以五百人為額
癸亥詔以燕島不首級送太社頭庫 戊寅遣太常少卿連南夫為金國弔慰余莫使武略大夫張搆副之仍詔南夫至金國無所割取京府奉聖等州
二月己亥子詔躬耕藉田 丙午詔自今非歷省量

寺監、司、邵守開封府曾官不得為郎官卿監者為令。宰執有服親及戚里應仕進者遵熙豐故事上宮祠。

三月郭藥師言常勝軍多潛投義勝丙子詔常勝軍無得至閩南丁巳復置提舉陝西市易務官金人遣使詣宣撫司索所許糧二十萬斛譚稹不與金人怒及舉兵終以此為詞云

閏三月乙未予詔申嚴元祐學術之禁詔大名少徐處仁知沿州柳城措置河北盜賊是春東都劫

震後三月又震宮中殿門皆震動作聲蘭州地及諸
山草木悉沒入而山下麥田乃在山上朝廷遣右司
郎中黃潛善按視潛善不以實聞上意遂安潛善尋
為戶部侍郎

五月上遣罷經撫房

六月詔京東西河北路無燕雲者奉錢
子子治江
淮湖廣四川諸路並起免夫錢
中子詔衡政示費
法制以大不恭論

七月戊寅御筆非投錄人不得服星文冠裳禁民戚

倡優以五戲等宮施于首飾 甲申夏人犯朔武令
陝西五路帥臣嚴備 是日著作佐郎許元宗廣西
路廉訪使者重緒為賀金國嗣位使副元宗等至金
國東流河虜酋來用契丹舊禮見之 壬寅御筆諸
路調夫以供邊計應宗室后妃戚里宰執之家及宮
觀寺院雖特旨免科者一例均敷 甲辰置討論製
造璫衡所以宰相王黼總領內侍梁師成副之
八月初朔州韓正應州蘇京蔚州陳謝各以州來降
積輒受之金人怨朝廷納張欽久不給所許糧二十

萬斛遂攻陷蔚州等殺陳綱逐蘇京等純山孩之謀
朝廷谷積指買乖方落檢校少傅以本班卽度使提
舉崇福宮尋責散官致仕 又詔童貫落致仕依前
領樞密院事河東河北燕山府路宣撫使殿中御史
許景衡論貫罪惡已試無效 乞別謀良帥丁巳
熙河路築滋蕤机堡賜名定美城庚申景衡送吏部
壬戌以復燕雲而路大救天下

九月乙亥門下侍郎白時中為太宰兼門下侍郎
尚書左丞李邦彥為少宰兼中書侍郎 庚寅手詔

以金芝產于艮嶽萬壽峯改名壽嶽 辛卯手詔蘇軾黃正堅誣毀宗廟義不戴天片文隻語並令焚毀勿存如違以大不恭論 丙申御筆今後道官表奏乃道官差除令進奏院報行 府州築錢爐城莊領堡丁酉賜名震威並卷

十月丙午提舉崇慶宮劉安世復直龍圖閣 辛亥高麗夏國遣使入貢 庚午手詔吏部侍郎五時雍御史中丞何鼎中書舍人韓駒俱蘇軾鄉党曲李時雍鼎出提舉崇福宮駒太平現時雍鼎尋落職 上

中內外官並以三年為任

十一月丙子太傅楚國公致仕王黼仍旧神霄萬壽宮使 乙酉罷應奉局 丙戌置諫議司 御筆差領樞密院事蔡攸同白時中李邦彥同諫究利害條畫來上 是月童貫遣馬廣辛與宗使黏罕軍以上至雲中府会粘罕已归国留兀室權元帥以責廣泰礼卒不相見使高麗喬傳言詰納于張瑄等事臨誓書而已廣归告貫以虜情不測乞減營功備不貲能

十二月甲辰朔子詔近舍近弼置司諱諫太師致仕
蔡京可兼領諫議司聽就私第裁處以稱貴老貧賁
之意 甲辰龍圖閣直學士知成都府王復等九人
坐王黼親党落職降官罷黜有差 癸亥太師魯國
公致仕蔡京落致仕領三省事五日一赴朝請系都
堂治事 手詔河北河東流移尚多盜賊未殄令本
路提點刑獄文臣徧行撫喻宣布實惠 是時都城
有賣青果男子孕而誕子又有酒保朱氏女忽生龍
長六七寸頭秀甚美宛然一男子特詔為道士 蔡

京復領三省童貫欲經畫收復雲中以奏議來上京
主其說尚書右丞宇文粹中對以虜誓有俟乎天祚
五年後除議之說恐今興兵則啟邊端其議遂已
是歲河北河東盜起擁衆七八萬凡數千里道內侍
梁方平帥兵討捕之

乙巳宣和七年 金主吳乞買天會三年

正月癸酉朔遣朝散大夫李遵奉議郎朱定國齎親
書于招撫諭河北京東盜賊唐鄧汝願流民釋囚蠲
賊及凡料飲逋負等 庚寅御筆魏伯弼勤撫監法

落徽猷閣待制 癸巳子祐並罷常平提舉官屬
是月故遼主天祚自夾山奔小骨帳為金人所擒降
封海瀕王送長白山東築城居之踰年而卒自是遼
國遂亡

二月甲辰詔頒創知常所造神霄金寶諭于天下
御筆置諸路提舉坑冶官 復熙豐以來旧鈔銅錢
諸監 已巳獲吳丹慶歷誓書王黼卒百官賀 戊
申詔改鹽法盡旧監別行新欵 壬子改舉提香鹽
為提舉茶鹽公事 丙辰罷京東弓箭社

三月臣僚言傳墨卿孫觀以下六人皆坐元祐西李
並宮祠 辛丑賜蔡條進士出身 是月童貫自太
原真定瀛莫入燕山樞密院會河北諸置四總令
招逃卒及刺游手之人為軍

四月詔蔡靖知燕山府應結絕宣撫使司及國信司
職事並專一行遣 壬子復居養院 詔蔡條罷侍
讀追賜出身敕 初蔡京再領三省未几日昏不
能視事皆決於子滌威福自任同列皆不能堪

庚申復命京致仕 廢大觀庫 復州縣不行

錢 丁卯奏條勒停前戶部侍郎韓招坐協助條竊
權撓政責散官安置黃州 戊辰詔後三公不許統
領叁省

六月辛丑朔詔內外宗室依照舊法並著姓 丙午章
質以平燕功進封廣陽郡王 壬戌講議司言視官
非元置官制紊亂名實竄耗國用詔罷並之 甲子
御筆罷諸應奉官 丙寅裁城六尚歲貢物百二十
有三品

七月庚午朔河東義軍叛據隆德府黎城縣河東將

郝琚戰死 熙河地震有裂數十丈者蘭州尤甚陷
數百家倉庫俱沒河東諸郡或震或裂或不
八月壬寅燕山府奏金人以歲賜銀絹依次以不肯
受

九月丙戌各作郎楊時燕崇政殿書說 上展全國
以天祚成擒遼渤海王李莽和永福來告虜是日至
國門具寶虜將卒兵先使覲我 也時河東奏黏罕至
雲中紇營南虜童貫再行宣撫詔贊未即行公知太
原府張孝純奏金人遣小使至欲見贊議交割雲中

地上頗信之詔貫趣行無留是月有狐由艮嶽直
入中禁據御榻而坐詔毀狐王廟

十月壬寅中山府奏女真國相与余親率兵來蔚州
及蔚柳甸内大集兵將入寇

十一月壬午詔無出身待制以上年及三十通歷任
滿十歲乃許任子先是童貫至太原遣馬廣辛與
宗復詣雲中使粘罕既至趣廣等庭參廣等力爭不
可得皆拜之如見阿骨打礼粘罕責以違誓書納張
數等事遂決意入寇丙戌上祀昊天上帝于闕邱

大赦

十二月戊戌朔金人破橫州已亥破薊州

接

伴賀正旦使吏部員外郎察為金人所殺

壬寅金

國使副王介儒撤馬枓至太原人以牒入至代州為

越寨詞極不遜

乙巳童貫自太原逃歸

郭藥師

叛執安撫使蔡靖都轉使呂頤浩副使李与樞拱

舉沈瑄等迎降金人藥師叛報至京師上左右不欲

人聞知乃共匿其報但曰藥師被圍耳方議封藥師

燕王張令徽郡王割燕地与之使之世守云 丙午

幹出不至燕山郭筠師率官僚郊迎之聞母國王以
蔡靖及廩訪使者梁兢留燕京差軍官部呂順浩李
与權沈瑄以行辛亥幹出不引兵向關以郭筠師
為先驅壬子集供官赴都堂問計策詔遣內侍
威武軍節度使梁方平將御前兵守瀋州己卯幹
病不攻保州安肅軍不克粘罕引兵圍太原敗朔州
守臣孫翊于城下翊戰數日五兵皆盡遂為金人所
殺丙辰手詔嚴應子與作等事戊午降制皇太
子為開封以御筆神霄宮除元子詔撥賜田外並

還元來去處道錄道官品等一切依元豐法罷民
獄官吏罷修葺衍北宅是日金人圖中山府唐
庚禦之己未降詔罪己令天下方鎮即邑守令各率
師募衆勦王能道官乃大晟府行幸局所成乃諸局
所管緡錢盡付有司保和殿李士守大虛中為河
北河東宣諭使保靜軍節度使种師道為河北江
東制置使燕都統制馬步都虞候王管步軍司事何
灌副之昭慶軍節度使知熙州姚古為京畿輔郡
兵馬制置使燕都統制戶部侍郎王蕃副之命陝西

路轉運判官李勣借給事中使金人諭以將內禪且
求和 庚申上禪位于皇太子子詔以道君親退居
龍德宮 鄆王楷罷提拿皇城司 辛酉上始御崇
政殿 壬戌大赦 立皇后朱氏 是日金人攻廢
源府太史占帝星復明怪之已而聞天子內禪車中
大驚歎曰郭藥師曰南朝未必有備不如姑行 癸
亥詔遣何灌將兵二萬同梁平方守滑州河橋 甲
子太李士陳東上書乞誅蔡京王黼童貫梁師成李
彥朱勔六賊 是日金人陷德信府 圍太原府

乙丑召太常少卿李綱對于延和殿翌日除兵部侍郎
丙寅上道宗皇帝號曰教主道君太上皇帝
詔改來年元

十朝綱要卷十八